

გოდამის

№2, 2016



მუნა

– მუნა, მუნა,
რატომ წუხნარ,
სუსნმა სომ არ შეგაწუნა?
მალე მოვა განაფხული,
ისმის მისი თბილი სუნთქვა.
ამომვერით თოვლიდანო,
მშემ ვევაილებს ასე უთხრა.

მაკა ბობუა

განაფხული

ნუ ახანებ, ხეში ჩადექ, წეალო,
მოგვეწეინა ეს ავდარი, დარო,
კამკამა ხმით იფუხუხე, წეალო,
ავერ ნუდარ იფუხუნებ ქარო.

ჩიტბატონა შინდის ტოტზე ვალობს,
დაგვენახვე, მყო, სადა ხარო?
აუვაილდი, ჩემო მთავ და ბარო,
განაფხულით მინდა გავინარო!

სეზონი



• დოდო სიმონიშვილი-ვადაჭკორია

დადგა შემოდგომა, დაუბერა ცივმა ქარმა. ააფრიალა ყვითელი, უნაბისფერი, წითელი ფოთლები და მინას დააკრა თითქოს. სწორედ ამ ტყის ხალიჩაზე უყვარდა ცქვიტოს გორაობა და ხტუნაობა, დედა კურდღელი კი იჯდა სოროს წინ და ტკბებოდა შვილის ცქერით.

ერთხელ საოცრება მოხდა. დედა კურდღელმა მოინყინა, მოიბუზა და გამხმარ ნემოში ჩანვა. გულს შემოეყარა ბოცვერს – ვაიმეო, – შესძახა.

– დედა, რა მოგივიდაო?

– რა ვიცი, შვილო, რალაც ცუდად ვარ, შეიძლება დამგრილაო.

მიხტა, მოხტა ცქვიტო და გადაწყვიტა, დედისთვის ეშველა – მასხრობა ხომ არ არის, მშობელი გახდა ავად.

– დედი, ხომ არაფერი გინდა... მითხარი, ახლავე მოგიტანო, – უთხრა ალერსით ცქვიტომ დედას. კურდღელს გაეღიმა, გულში გაიფიქრა: ამან რა უნდა მიშველოს, ერთი სუსტი ბაჭიააო. მაგრამ, ნურას უკაცრავად, არაფერი სუსტი აღარ იყო ცქვიტო. იცით, უკვე დავაჟუკაცებაც დაეტყო, მაგრამ დედა რისი დედაა, შვილი მუდამ პატარა ჰგონია, არა?

– იცი, რა, დედა – მოიფიქრე, რა გესიამოვნება: ქარხალი, კომბოსტო, სტაფილო თუ ნორჩზე ნორჩი ნეკერი?

– გენაცვალოს დედა, აი, სტაფილო კი მეამებაო, – ისე თქვა დედამ, როგორ წარმოიდგენდა, რომ ცქვიტო სტაფილოს მომტანი იყო. ბაჭია უკანა ფეხებზე შედგა, წინა თათებით ტაში შემოჰკრა, დედას აკოცა და სოროდან შურდულივით გავარდა.

მირბოდა ცქვიტო სოფლისაკენ და თან დარდი გულს უღრღნიდა, ვაითუ, სტაფი-

იყო და არა იყო რა, იყო ერთი თეთრი, ფუმფულა დედა კურდღელი, თვალებწითელა; გრძელ, დაცქვეტილ ყურებში ვარდისფერი სინათლე გასდიოდა. რამდენი ბოცვერი გაზარდა, გაისტუმრა თავ-თავიანთ სოროებში და დაასახლა.

ერთი ნაბოლარა, ცოტათი სუსტი ბოცვერი თავისთან დაიტოვა. ეშინოდა, არაფერი მოუვიდეს, ავად არ გახდესო. უფრთხილდებოდა. დიდხანს, ძალიან დიდხანს აწოვა ძუძუ.

მოდლიერდა ბოცვერი, გამხიარულდა, სულ დედის უბეში ძვრებოდა და ეალერსებოდა.

ისეთი ლამაზი დაცქვეტილი ყურები ჰქონდა, დედამ ცქვიტო შეარქვა. ცხოვრობდა დედა-შვილი ტკბილად; ნეკერს აკნატუნებდნენ. დროდადრო სტაფილოსა და კომბოსტოსაც გაჰკრავდნენ კბილს სოფლებების ბოსტანში. ჯაჭვით დაბმული ავი ძაღლისა ძალიან ეშინოდათ – პატრონები ღამით აუშვებდნენ-ხოლმე და მაშინ, აბა, ვინ გაბედავდა სხვის ბოსტანში შესვლას?

ლო არსად იყოსო. ერთ ბოსტანში შეძვრა – სტაფილოს კვალი ცარიელი დაუხვდა, მოსავალი აელოთ. მეორე ბოსტანშიც აჩიჩქნილი კვალი დახვდა, ახლა მესამისკენ მოკურცხლა. ლობეში გაძვრა და სტაფილოს კვალს ნაადგა – კუთხეში სტაფილოს მწვანე ქოჩორი შენიშნა. ეტყობა, სათესლედ დატოვესო, გაიფიქრა. მიადგა ცქვიტო კვალს, თათებით თხარა და თხარა, ამოთხარა. მიწიანს რას დაეძებდა, ნაავლო პირი სტაფილოს, მოკურცხლა, ლობეში გაძვრა და ყეფაც შემოესმა. ყეფაც არის და ყეფაც... ისეთი გაავებული იყო ის ქოფაკი ძალლი, ჯაჭვით რომ ჰყავდათ ხოლმე დაბმული, თითქოს ყაჩაღს ნაანყდაო. – ვაიმე?! – გაიფიქრა ცქვიტომ, – ნამდვილად აშვებულია, ისე ახლოს ისმის ყეფაო.

ბედნიერმა, ის იყო, უკვე ტყეს შეაფარა თავი და გაიხარა. ხან ერთ ხეს ამოეფარა, ხან მეორეს, ბურჩებშიც შეძვრა, ძალლი კი სულ ახლოს და ახლოს ყეფდა. უეცრად რას ხედავს: – დათვის ბუნაგი! – შეჰყვირა, ისკუპა და შიგ შეხტა.

დათუჩა ჩალაბულაში თბილად მოკალათებულყო – ეტყობოდა, ზამთრის ძილისთვის ემზადებოდა, მარცხენა თათს გემრიელად ილოკავდა.

– ვაი! – შესძახა დათვმა, – რა იყო, ცქვიტო, აქ რა გინდა?

– ძალლი მომდევს, ძია დათვო, მიშველე! – თათებში მოიქცია სტაფილო ცქვიტომ.

– მოდი, გადამახტი ზურგს უკან, ჩაიმალე, გაისუსე! – ისე ჩუმად უთხრა ძია დათვმა, თითქოს ძალლი იქვე იყო. ცქვიტოსაც მეტი რა უნდოდა, ისკუპა და დათვს

ზურგს უკან ჩაყურყუმალავდა. სწორედ ამ დროს გაგიჟებული ძალლი ყეფა-ყეფით შემოვარდა ბუნაგში.

– რა იყო, ავო ძალლო, რა გჭირს? – შეეკითხა დათუჩა.

– რა მჭირს და ქურდი კურდღელი გამეცა და იმის საძებნელად გამოვიქეცი.

– ეე, შე კაი ძალლო, მერე ჩემთან კურდღელს რა უნდა? – ისევ გაილოკა თათი დათვმა.

– რა ვიცი, – თქვა ძალლმა და დასასვენებლად უკანა ფეხებზე დაჯდა, თუმცა ყურები მაინც დაცქვეტილი ჰქონდა.

– ყური მიგდე. იცი? იმ საწყალ კურდღელს დედა ჰყავს ავად. იმისთვის იქურდა, თორემ ცქვიტოს ქურდობა ვის გაუგონია, შე კაი ძალლო, ა? – ჩაეკითხა დათვი.

ძალლმა თვალები მილულა, მოიხედა, თითქოს შერცხვა.

– რა თქვი? დედა ჰყავს ავად და იმისთვის მიჰქონდა? – ჩაფიქრდა ძალლი. – არ ვიცოდი ეს ოხერი და რა ვქნა? ალალი იყოს სტაფილო, თუ დედისთვის, ისიც ავადმყოფისთვის მიჰქონდა, – ყურები ჩამოყარა ქოფაკმა. დათვს მიუბრუნდა, შენუხებისთვის ბოდიში მოუხადა და დარცხვენილი ნაძუნძულდა.


ცქვიტო გამოძვრა, დათვს ყურებს შუა აკოცა, მადლობა გადაუხადა და გაიქცა.

მირბოდა ცქვიტო და ფიქრობდა – რა კეთილი ყოფილა ავი ძალლიო.

მხატვარი მალხაზ კუსაშვილი



ქეჩი ძიღის მოყვარულ ბიჭებზე



კაკი კუკი,
კაკი კუკი - კაკუნის სმა
ისმის სისხამ დილით.
მზე ფანჯრებში იჭვრიტება,
- არ უხდება კარგ ბიჭებსო
შუადღემდე ძილი!


კაკი კუკი,
კაკი კუკი - გაიღვიძე!
კაკი კუკი - უური უგდე:
ეს - მერცხლებმა შენს აივანს
მიამენეს ბუდე!

ბებია, მე და ქათამი ფაჩიკო

წავაბრძანეთ ფაციკო
გასაუიდად ბაზარზე,
ათი დღეა, კვერცხს არა სდებს
გადაეწეო კაკანზე.

დაგვეხვივნენ მუშტრები:
მერემე თუ საბაზი,
- ეგ დედალი, ბიძიკო,
ღირსო სამი აბაზი!

ბებიათ თქვა, მივცეთო ეგ საქორე, ეგო!
სხვაგან ეოფნას არ ერჩივნა, ხვეთან კვერცხი ედო?!
იუოს აწი, სხვისი ესოს „მოღუღუნე გვრიტად“,
ვკითხოთ მინც, კვერცხუქმობა სამ აბაზად ღირდა?



მხატვარი თაა მიქაია

თავმომწონე ბონტონა

ერთხელ ქალაქში ხმა დაირხა, ამა და ამ დღეს ძაღლების გამოფენა-დათვალიერება უნდა ჩატარდესო. ყველას საკუთარი ოთხფეხა მეგობრის გამარჯვება სურდა, ამიტომაც დაფაცურდნენ, ზოგმა სპეციალური შამპუნი შეიძინა, რათა ძაღლს ბენვი უფრო ბზინვარე გამოჩენოდა, ზოგმა დალაქებს მიაშურა და თავისი ცუგურია გაკრიჭ-გამოკრიჭა, ზოგმა სპეციალური ტანსაცმელი და ლამაზი ბაფთებიც იყიდა. მოკლედ, ვისაც საშუალება ჰქონდა, გამოფენისთვის არაფერს იშურებდა, ვისაც არა და, რა უნდა ექნა.

საღამოობით პატრონებს ძაღლები სკვერში გაჰყავდათ, თავად ბაღის სკამებზე ჩამოსხდებოდნენ, საყელოდან თასმებს ახსნიდნენ და თავისუფლად სეირნობის საშუალებას აძლევდნენ. ეს ყოველდღე მეორდებოდა და ამ ოთხფეხა ცხოველებმაც სწორედ იქ, სკვერში გაიცნეს ერთმანეთი.

– ჩემმა პატრონმა ისეთი, ისეთი შამპუნი მიყიდა, როცა მაჭყუმპალავებს, მზესავით მიბზინვარდება ბენვი და იცოდეთ, ყველას გაჯობებთ, – სიამაყით აუნყა მეგობრებს მუშტისხელა ძაღლმა, რომელსაც, არ ვიცი, რატომ, მაგრამ სასწაული სახელი – ბონტონა ერქვა.

– მე კი სალონში წამიყვანა. ფრჩხილებიც დამაჭრეს და თავზე ბალანიც მოდაზე შემკრიჭეს, – დრუნჩი დაბლა დახარა თეთრმა პუდეღმა, რათა ვარცხნილობა ყველას დაენახა.


– კიდევ, კიდევ დანიე თავი, ვერ ვხედავ, – თათის წვერებზე წამოიწია ბონტონა და პუდეღს კეფაზე შეაცქერდა, – უფ, ეგ რა არის? დიდი არაფერია. მე ისეთი კაბა მიყიდა, როცა მოვიზომე და სარკეში შევიჭყიტე, პირდაპირ გავოცდი, ისე დამხატა. და ეგ შენი კოტორა თავი გამოფენაზე ვის რაში აინტერესებს? – ცხვირი აბზიკა ცუგუნია.

– ეჰ, – ამოიოხრა ცისფერთვალება ჰასკიმ, – ჩემს პატრონს საშუალება არა აქვს, უჭირს, იძახის, გამოფენის წინ კარგად დაგვარცხნი და ეგ არისო...

– ჰოდა, არაფრის იმედი არ უნდა გქონდეს, – წამოიწკავლა ბონტონამ, – მე ჩემები დღეში რამდენჯერმე მვარცხნიან, მაგრამ მარტო დავარცხნა რას გიმველის, თუ ბენვმა არ იზიბზიბა და მოდურად არ გამოენყვე, – თავი უფრო ამაყად ანია, – ჩემი ფრჩხილის ღირსი არც ერთი არა ხართ, – ინდაურივით გაიფხორა და პატრონს ბედნიერმა გახედა.

– მე რამდენიმე დღეა საჭმელიც არ მიჭამია, ძროხასავით ბალახს ვძოვ და თავი ასე გამაქვს, – ნაღვლიანად ჩაილულულულა მდელოზე წამოწოლილმა უპატრონო, გოლიათური აღნაგობის ქართულმა ნაგაზმა, – იცით, რა მაინტერესებს და სულ მინდა გკითხოთ, ნეტავი გამოფენაზე თუ დამიშვებენ?

– ვის, შეენ? – დამცინავად ჩაინკავნკავა ბონტონამ, – ერთი შენი თავი სარკეში დაგანახა, მოუვლელიობისგან ბალანი როგორ ჩაგკუმტებია, ფერდები ჩაგცვე-



ნია, თვალეზიკ ჩაგსისხლიანებია და ეგ მოჭრილი ყურეზიკ როგორ გამახინჯებს. შენი ხალხში გამოჩენა როგორ შეიძლება, ყველას თავს გვჭრი.

ნაგაზი შერცხვენილი ნამოდგა, ზემოდან ნაღვლიანად დახედა ბალახებში ჩაკარგულ ნამცეცა ძაღლს და იქაურობას ზანტად გაშორდა.

– მე გამოფენა სრულებით არ მაინტერესებს, დღე და ღამე იმაზე ვოცნებობ, გაიხსნას ნადირობის სეზონი და ჩემმა პატრონმა მწყერზე სანადიროდ წამიყვანოს. თოფის სროლის ხმა ძიღშიკ კი მესიზმრება. ვხედავ, ყანაში მწყერს როგორ ვეძებ, ვეძებ, ბოლოს ვპოულობ, ნაბულს ვაკეთებ და ველოდები ბრძანებას – ეცი! როგორკ კი პატრონი მიბრძანებს, მე მწყერს ავაფრენ, შემდეგ გასროლის ხმა – ბახ, ბახ, და ჩამოვარდნილ ნანადირევს ვპოულობ, კბილებს ფრთხილად ჩავავლებ და სიამაყით მიმაქვს პატრონთან, რომელიკ აუცილებლად შემეძებს, მომეფერება კიდევ, – წაიტრაბახა ჩალისფერმა პოინტერმა ჩარამ.

– ავ, ავ, – წვრილ ხმაზე წაიყეფა ბონტონამ, – შე ნადირმულეტო, რა ველურიკ იყავი, იგივე დარჩი. შენი გამოსწორება არ იქნება. რალა დროს ნადირობაა, ჩემი პატრონი მაღაზიაში ყველაფერს ყიდულობს, არც რძე მაკლია, არც ხორცი, მოვლაზე რომ აღარაფერი ვთქვა, – უფრო გაიჯგინა და დრუნჩი აპრიხა.

ასეთ კამათში გადიოდა დღეები. ბონტონა ბაქიბუქს განაგრძობდა – თავისი თავი ისე უყვარდა და მოსწონდა, რომ სხვაში დადებითს ვერაფრით ხედავდა. ბოლოს აღარავის ესალმებოდა, დაიჯგინებოდა თავანეული, გაფხორილი, რომ იტყვიან, თავზე ბუზს არ ისვამდა.

და აი, ჩემო პატარა მკითხველო, დადგა გამოფენის ჩატარების დღეკ. ყველამ თავისი ძაღლი გააკობტავა, გაალამაზა და შესაფასებლად წაიყვანა.

უპატრონო ქართული ნაგაზი თავისით წაძუნძულდა იქ და ისიკ იმიტომ, რომ აინტერესებდა, ღირსეულის ტიტულს ვინ მოიპოვებდა, საგამოფენო მოედანთან ახლოს, სადაც ძაღლები წრებზე უნდა



ჩამოეტარებინათ, უკანა თათებზე ჩამო-
ჯდა და დაღლილობისგან ენაგადმოგდე-
ბული იქაურობას შეაცქერდა. კისერზე
ბაფთაშებმული, ლამაზად გამონკეპილი
ბონტონა, რომელსაც ბენვი მართლა გა-
მორჩეულად უბზინავდა, პატრონმა ხელ-
ში ატატებული მოიყვანა.

დაიწყო კონკურსი. საყელურზე თას-
მა შებმულმა ძაღლებმა შემფასებლების
წინ წრეზე იწყეს სვლა. ერთ წრეს მეორე
მოჰყვა, მეორეს – მესამე, როცა ჟიურის
ერთი წევრი მამაკაცი წამოდგა და ქარ-
თულ ნაგაზს მიუახლოვდა:

– ვისია ეს ძაღლი? – ხმამაღლა იკითხა
და შეგროვილ ხალხს თვალი მოატარა, –
ნუთუ პატრონი არ ჰყავს? – გაოცებულ-
მა წარმოთქვა, ჩაიმუხლა და თავზე ხელი
გადაუსვა, – მოდი, ბათურას დაგარქ-
მევ, – ხელით ისევ მიეფერა. ჯიბიდან სა-
ყელური ამოიღო, კისერზე შეაბა.

ბათურას ადამიანის მიფერება ესია-
მოვნა, საპასუხოდ ხელი აულოკა.

– შეხედე, რა გონიერია, – მამაკაცმა
მოქაჩა და თან გაიყოლა. ვეება ძაღლი
უცნობს მიენდო და ძუნძულით გაჰყვა.

სხვა ძაღლებთან ერთად წრეზე ბათუ-
რაც რამდენჯერმე ჩამოატარეს. ჟიურიმ,
ყოველგვარი ჭოჭმანის გარეშე, მას გა-
მარჯვება ერთხმად მიანიჭა, ხოლო ჩვენ

გაპრანჭულ – გაზიზზილებული ბონტონა,
უჯიშობის გამო, კონკურსიდან საერ-
თოდ მოხსნა.

ჩემო პატარა მეგობრებო, იცით, ეს
ამბავი რატომ მოგიყვებით? მინდა, გახ-
სოვდეთ, რომ თავმდაბლობა ერთ-ერთი
დიდი სათნოებაა და, როცა გაიზრდებით,
იყავით თავმდაბლები, რათა თქვენით ძა-
ლიან ვიამაყოთ.



მხატვარი ვაჟა ქურსული

სითხით ელა




ბებო, მოდი, ვითამაშოთ.
– აბა, მოდი.
– მე დედა ვიქნები, შენ – შვილი.
– მერე?
– აბა, შვილო, აალაგე სათამაშოები!

– დედა, მგონი, ბებო ველარ მცნობს?
– რატომ?
– როცა სტუმრად მივდივართ, სულ
მეკითხება, „ნეტა, ეს ვინ მოსულაო?“


უფრო ახლოს

ანა კანდელაკი



შენ იცი,
რომ ზამთარში
ჩიტები
თბილ ქვეყნებში
მიფრინავენ?

ჩემი უფროსი
დაიკო
თვალეხს რომ იხატავს,
პირს
თევზით ალეს!



ალბათ, ზღარბის
საყვარელი
მცენარე
კაკტუსია.



მანია კარსელი

მხიარული გამოცანა- რითმოსანები

ტყეში შემხვდა □□□□□□,
მორცხვად თავი დახარა,
გაზაფხულის შემოსვლა
მან პირველმა მახარა!



პირველ ფოთლებს დაინახავ,
თუკი დააკვირდები:
გაზაფხულის მზემ გაათბო,
გაიშალნენ □□□□□□□□!



□□□□ ასე მიგალობს:
– გაზაფხული მოვიდა!
მომენატრა სამშობლო,
ჩამოვფრინდი შორიდან!



გოგამ ფეხი აიდგა

გოგამ ფეხი აიდგა
კი არ დადის, გარბის,
უკან არ იხედება
ბიჭი დარდიმანდი,
ბებო ლოცავს –
გზა გქონდეს,
სულ ია და ვარდით.



ჯამალ დოგორჯიანიძე

ჭიამაია

დამასველა წვიმამ,
წუსეღ ქარიც ქროდა.
ახლა რაღად მინდა,
სოკოვ, შენი ქოლგა?



მხატვარი თეა მიქაია



იპოვე 8 განსხვავება



მხატვარი ნატალია კუცია

განგაოას და ჩოს ჩე და ზანზარა კოს



რადაც ხდება, პოლარულ
ვარსკვლავს ველარ ვხედავ.
კოსმოსში უნდა გავფრინდე.

კი მაგრამ, ფრთები
არ გაქვს და როგორ
გაფრინდები?

როგორ გეტყობა,
ნიგნების კითხვა
რომ არ გიყვარს, მე
სომ მოჩვენება ვარ.
სადაც მინდა, იქ
გავფრინდები.

მეც მინდა
კოსმოსში!



ჩემ ზანზარა ჩალის კალათში ჩასვა და
ხენემა-ხენეშით გაფრინდა ცისკენ.



აააა, რა მეშველებაააა! –
მოესმათ ამ დროს ტირილის ხმა.
დიდი დათვის თანავარსკვლავედი
შვიდივე ვარსკვლავით ტიროდა.



თავდასკული მოსმი მიდიან

ტექსტი: ლელა ცუცქირიძის
მხატვარი იულია ნიკოგოსოვა



**ჩუ ვარსკვლავზე ჩამოჯდა,
ყველაფერი კარგად
უნდა მოეწონებოდა...**

თითქმის ოქროდ ფასობს წამი –
თავს არავინ ზოგავს,
ზღვას ჩამოჰგავს მოედანი
და ზღვასავით ბორგავს.
თავდამსხმელი გახლავთ მგელი,
მელაკუდა – მცველი,
სანაქებო ფორმაშია
ყველა ფეხბურთელი.
აქეთა კარს იცავს დათვი,
იქითა კარს – ხარი,
ყურცქვიტელას მარიფათი
თამაშს მატებს ხალისს.
ყველა ნემსის ყუნწში ძვრება,
ყველა ოფლად სკდება,
ყველას გუნდის გამარჯვება
და დიდება ნებავს.
თხას ფეხდაფეხ მისდევს ტურა,
მიქრის, როგორც ქარი,
ტოლს არ უდებს მურა ტურას –
დარტყმის ჯადოქარი!
გატყორცნილ ბურთს ეწირება
დათუჩელას კარი
და გუგუნებს სანუკვარი:
არის!..
არის!..
არის!..



მხატვარი
ლიკა გურგენიშვილი

მოამზადა
ბელა გველესიანმა

საბავშვო ზღაპრების გმირები და მათი რეალური პროტოტიპები



კრისტოფერ რობინი

კრისტოფერ რობინი ინგლისელი მწერლის, ალან ალექსანდრ მილნის ვაჟი, ამ მწერლის მიერ ვინი პუჰის შესახებ შექმნილი ზღაპრების გმირია.

მილნების ოჯახში გოგონას გაჩენას ელოდნენ და, როცა ვაჟი დაიბადა, მას გოგონასავით ზრდიდნენ.

რობინი ძალზე კეთილი და მორცხვი ბიჭუნა იყო. დიდ დროს ატარებდა ძიძასთან, რადგან დედას და მამას მისთვის არ ეცალათ. იქნებ ამიტომაც, მამასთან განსაკუთრებული სიახლოვე არ ჰქონია, მხოლოდ ზრდასრულობის ასაკში დაუახლოვდა. კრისტოფერ რობინი სწავლობდა კემბრიჯის უნივერსიტეტში, იყო მეორე მსოფლიო ომის მონაწილე.

ბავშვობაში რობინის საყვარელი სათამაშო ლონდონის სათამაშოთა ფაბრიკაში დამზადებული დათუნია იყო. სწორედ ეს დათუნია იქცა ბიჭუნას ერთადერთ მეგობრად და თანამოსაუბრედ, მოგვიანებით კი ის ვინი პუჰის შესახებ შექმნილი ზღაპრების გმირიც გახდა. პლუმის დათუნიას ბიჭუნა ედუარდს ეძახდა, მოგვიანებით კი ვინი პუჰი დაარქვა – ვინი ერქვა ყველაზე კეთილ დათუნიას, რომელიც ლონდონის ზოოპარკის ბინადარი იყო.

კრისტოფერ რობინი იზრდებოდა და მისი სათამაშოებიც უფრო მრავალრიცხოვანი ხდებოდა. ბიჭუნას და ვინი პუჰის მეგობრები გახდნენ – ვეფხვი, ვირუკა და გოჭუნა, რომლებმაც მოგვიანებით ვინი პუჰის შესახებ შექმნილ ნიგნებში გადაინაცვლეს.


ზღაპრები ყველას უყვარს – ბავშვებსაც და დიდებსაც. უცნობ, სიკეთით სავსე სამყაროში მოხვედრა, სადაც ბევრი საოცრება გელის, სასიამოვნო გრძნობებს იწვევს. თანაც, ყველა ზღაპარს ხომ კეთილი ბოლო აქვს.

შენ, ალბათ, უკვე იცნობ ცნობილი საბავშვო ზღაპრების პერსონაჟებს: ვინი პუჰის მეგობარ კრისტოფერ რობინს; ალისას, საოცრებათა ქვეყნიდან; პიტერ პენს... მაგრამ ცოტა ვინმემ თუ იცის, რომ ეს გმირები გამოგონილები კი არ არიან, ავტორებმა რეალური ბავშვების მიმსგავსებით „შექმნეს“.

ამჯერად ვინი პუჰისა და მისი მეგობრების რეალურ პროტოტიპებზე მოგი-თხრობთ.



ვინი პირველად კენგურუსთან
უნდა მივიდეს, მერე – იო-იოსთან,
იქედან გოჭუნას გაუვლის და მერე
ვეფხვს ესტუმრება. რა გზით უნდა
დაბრუნდეს უკან ვინი?



მხატვარი
როენა პულეზია

ცა

ცა ღრუბლებში გაეხვია,
ვარსკვლავები დაიხურა.
მერე შუქი ჩააქრო და
სიბნელეში გაიტრუნა.
დილით ადგა ალიონზე,
პირზე წვიმა შეიპკურა,
მთვარის ქუდი გვერდზე დადო,
მზის მანდილი მოიხურა.

ღიზი

როგორც იქნა, თეთრი ციდან
თეთრმა ფიფქმა ჩამოთოვა,
ჩვენს რუხ ქალაქს, შეციებულს,
თეთრ დიდ საბნად დაათოვა.

ლამაზია თეთრი ციდან
თეთრი ფიფქის თეთრად თოვა
და თეთრ ნოხზე ბილიკებად
ნაკვალევის გადათოვა.

ცხვარი

ცხვარს უნდოდა ცაში ფრენა,
სხვა ქვეყნებში გადაფრენა.
ღმერთმა ნატვრა აუსრულა,
გადაიქცა ღრუბლის ქულად.
ცაში არის ახლაც სტუმრად
და დაფრინავს ქულა-ქულა.

მხატვარი
ანნა კანდელაკი

ჩემი კლასის კედლები

ჩემს სკოლაში ძალიან ბევრი ნივთია. ზოგი ნივთი ტირის, ზოგ ნივთს რაღაც უხარია, ზოგიც რაღაცას ნატრობს. აი, კარადა ყოველდღე ნატრობს თუ როდის დამთავრდება გაკვეთილები, რადგან ის დამძიმებულია და ტირის. ის ბედნიერი ხდება, როცა ბოლო გაკვეთილის ზარი დაირეკება. სკოლის მერხი გულწრფელია, რადგან მას რომ შეხედავ, მიხვდები თუ როგორია მოსწავლე, რომელიც ამ მერხს უზის. მერხს ერთი სული აქვს, როდის განმეინდენ და გაასუფთავებენ. სკამი ძალიან მხიარულად არის გაკვეთილზე – ის ჩანთას ეთამაშება. ჟურნალი ძალიან კაეშნიანია, დარდობს თუ როგორი ნიშნებით შეივსება იგი. ის მოწყენილია, როდესაც შიგ დაბალ ნიშანს ჩანერენ, იმიტომ რომ მას მოსწავლეები უბრაზდებიან. ის უხსნის, რომ მისი ბრალი არ არის, მაგრამ არავინ არ უსმენს. ამიტომ მას მეგობრები აკლდება, მაგრამ მერე მაინც ემატება, იმიტომ, რომ თუ კარგ ნიშანს მიიღებენ, გაბრაზებულებიც აღარ არიან ჟურნალზე, ამიტომ ჟურნალის მეგობრების რაოდენობა ცვალებადია. ცხრილი ჭიკარტით კედელზეა მინარცხებული. დაიღალა მხოლოდ კედელზე ყოფნით, ერთი სული აქვს, ვინმე როდის ამოიკითხავს, იმიტომ, რომ მიჩვეულია ბავშვებთან კონტაქტს. დაფას ერთი სული აქვს, როდის წაშლიან. ცარცი და დაფა განუყრელი მეგობრები არიან. დაფას და ცარცსაც არ უყვართ დასვენება. ანუ ზარის დარეკვა. მას ბავშვები დაჯღაბნიან და გულს ატკენენ, მაგრამ დაფის მოვალეობა ეს არის და ის ამას უძლებს. ჩანთას პირი დაუღია და ელოდება, თუ როდის დაუბრუნებენ თავის ძველ ფორმას.



ქ. თბილისის 53-ე საჯარო სკოლის მე-6 კლასის მოსწავლე

ანა კახიანიძე

დილა

უსაყვარლეს ჟურნალ „დილას“ და მის შემოქმედებით კოლექცივს

ბავშვების საყვარელ ჟურნალ „დილასა“ და მის მკითხველს ვულოცავთ ახალ წელს. დაე, ეს წელი წარმატებების, სიხარულისა და ბედნიერების მომტანი ყოფილიყოს „დილის“ მომლოდინე ადამიანებისათვის. მკითხველთა სიმრავლეს გისურვებთ.



სსიპ ჭიათურის მუნიციპალიტეტის სოფელ ხალიფაურის საჯარო სკოლის ქართული ენისა და ლიტერატურის მასწავლებელი ლელა გაფრინდაშვილი და მოსწავლეები: ზურაბ კაპანაძე, გვანცა ჯიქიძე, მიხეილ, ლიზი, გოგა გაფრინდაშვილები, ნინი და ლიზი მეცხოვრიშვილები, ტარიელ ჭიოკაძე, გიორგი ღულუნიშვილი, თამთა კაციტაძე და გიგა ჩუბინიძე

მეზობერი ფილოსანი საქმიანობს

ყვავმა ჯოყრებს*, დაგრეხილს,
ხავსიც ჩაუფინაო,
ბუდეს შევეკრავ, ზამთარში
მეც მექნება ბინაო.

დალლას აღარ დავეძებ,
რისი ღალა*, რა ღალა –
ერთადერთი კვერცხიდან
გამოვჩეკავ ბახალას.

ყინვაც ვერ შემაშინებს,
წვიმავ, ქარის გნიასო!..
ჩიტის რძეს არ მოვაკლებ
დედისერთას, ჭკვიანსო.


გაიზრდება,
დადგება
ჩემნაირი ყვანჩალა
და გვექნება საფრენად
ხან მინდორი, ხან ჭალა.



ჯოყარი – გამხმარი ღერო ბალახისა.
ღალა — გამოსავალი, ბარაქა.

მხატვარი
ელენე ვარამაშვილი

სად უსდგან



მხატვარი ნატალია კუციანი

გაბრაუ ციყვი


ტეეში ციყვმა, ფუმფულამ,
 დააღაგა ფულურო,
 შეაგროვა გირჩები,
 თხილი, ჰანტა, კაკალი,
 სიდან ხეზე სტუნვისას
 გაადინა ტეაჰანი.
 მოუვანეს ექიმი –
 მელაკუდა კუდგრძელა,
 ჰაციენტი გასინჯა,
 წოლა გამოუწერა.
 მოუწია ამ წამთარს
 ციყუნისას, ლოგინში
 ახრამუნოს გირჩები
 გასაფხულის ლოდინში.



მხატვარი ვაჟა ქურსული

ჯოგირური ამოცანა


ვარჯიშის დროს
 მორბენალი
 სატადიონის
 გარშემო წრის
 გარბენას 80
 წუთს ანდომებს.
 საათის ისრის
 საწინააღმდეგო
 მიმართულებით
 იგივე მანძილს 1
 წუთსა და 20 წამში
 ფარავს. რაშია
 საქმე?





ნაჭადიანი სურათი

კურა-კურა ამბები



მხატვარი ნატალია კუსია



მთავარი რედაქტორი: ღოდო ნიჭნივაძე
 ნახატი ყდაზე: ანა ხვიჩიასი
 მის.: ზანდუკელის ქ. 1, ტელ.: 2 93 69 77
<http://www.dila.ge>, ელ-ფოსტა: dila1904@yahoo.com, facebook: საბავშვო გამომცემლობა დილა
 ფასი: 2.50 ლარი

ჟურნალი გამოდის საქართველოს კულტურისა და ძეგლთა დაცვის სამინისტროსა და სსიპ „მწერალთა სახლის“ მხარდაჭერით.

